

巫山縣志卷十七

壇廟志

從來建國居民壇為重立學興教廟為先其有山川神祇風雲雷雨下逮捍災禦患凡有功德於民者要皆列入祀典春秋以時祭焉巫邑壇壝祠廟創修於康熙年間厥後增修補葺代有其人而壇廟之制祀典之崇詎可弗詳歟志壇廟

社稷壇在縣南郊久廢咸豐年間建壇東郊其中有山川風雲雷雨城隍神位

巫山縣志

卷十七

壇廟

一

神祇壇在縣北郊今廢

先農壇在縣東郊玉枕山地頗高敞嘉慶二年因教匪擾境大兵駐紮其處蹂躪傾圮道光四年邑令楊佩芝捐廉重修

厲壇在縣北郊今廢

文廟在治西北元明修廢不一 國初郡守吳秀美邑令向登元重修歲久傾圮嘉慶年間士商韓鈞等募資重修崇聖祠 大成殿戟門泮池等處工尙未竣道光四年邑令楊佩芝捐廉籌款添修兩廡櫺星門以及各處未完之

工規制乃備

名宦祠在學宮左所祀之人見政績志忠節志

鄉賢祠在學宮右所祀之人見人物志賢良孝友方正

隱逸

忠義祠在文廟側所祀之人見人物志忠義

昭忠祠在縣東郊演武廳左祀教匪之變殉難士民田

其穎等共二百九十名自後出征出戍歿於王事者俱

列入祠

節孝祠在文昌宮右所祀之人見烈女志節孝並教匪

巫山縣志

卷十七

壇廟

二

之變殉難婦女共六人

關帝廟在治西康熙四年總督李國英建五十九年遊擊劉

國柱知縣何岐瑞補修乾隆三十七年都司張文奇補

修歲久欹傾且地勢平衍未壯觀瞻道光五年邑令楊

佩芝都司孔致遠捐廉籌款重建增高基地數尺殿廡

門牆樂樓等項一一如式

文昌祠在治西北乾隆年間知縣莊必榮朱斐然先後補修

道光元年知縣沈鴻逵重修並添建 啟聖祠

城隍祠在治北嘉靖中知縣王道史秉懿張澤先後重修

龍王廟在縣城外東井街

火神廟在縣城東門外

呂真君廟在火神廟左

東嶽廟在治北

楊四將軍廟在治西北今廢

土主廟在縣陽臺山下縣令李鎮修今廢

藥王廟在治北

馬王廟在治東北

孟涂祠在縣南巫山下山海經夏后啟之臣孟涂氏司

巫山縣志

卷十七

壇廟

三

神於巴故祀之今廢

張桓侯廟在縣西北五十里今廢現西城內修有廟宇

褒恤祠在縣洋溪口明成化中通判王禎征流賊死難

處知縣魏璉詳請立祠祀之年久圯廢

蕭公廟在縣東筓篨山之下今廢

三義祠在縣西南四十里今廢

德公祠在縣西北嘉慶七年參贊德楞泰勦平教匪士

民德之爲立生祠後改爲專祠歲□春秋致祭今廢

劉公祠祀知縣劉昇

張公祠祀知縣張惟任

梁公祠在縣署左

楊公祠祀知縣楊日楚

陳公祠祀知縣陳應試

曹公祠祀知縣曹晟

董公祠祀大昌知縣董忠

吳公祠祀大昌知縣吳大章

胡公祠祀知縣胡世宏以上廟祠久廢均列祀名宦祠